



ԹԵՄԱԿԱՆ ԿՅԱՆՔ

ԼՈՒՐԵՐ ԲՈՒԼՂԱՐԱՀԱՅ ԹԵՄԻՑ

1983 թ. նոյեմբերի 10—30 օրերին հովվական այցելությամբ բուղարահայ թեմում է եղել Ռումինիայի և Բուլղարիայի հայոց թեմակալ առաջնորդ Ս. Տիրայր արքեպիսկոպոս Մարտիրոսյանը:

Նոյեմբերի 13-ին, կիրակի օրը, սրբազան հայրը Սոֆիայի հայոց եկեղեցում ներկա է եղել ս. պատարագի արարողությանը և նախագահել եկեղեցու բարերարուհի հանգուցյալ Թագուհի Գրիգորյանի մահվան առաջին տարեկիցի առթիվ կատարված հոգեհանգըստյան պաշտոնին: Նա դրվատանքի ջերմ խոսքերով վեր է հանել հանգուցյալ բարեպաշտ հայուհու հոգևոր ու բարոյական արժանիքները և ոգեկոչել նրա պայծառ հիշատակը:

Նոյեմբերի 11-ին Սոֆիայի հայոց հոգևոր հովիվ Ս. Մեսրոպ ավագ քահանա Պենյանը, Թեմական խորհրդի ատենապետ տիար Կարո Տեր-Մեսրոպյանի ուղեկցությամբ, պաշտոնական այցելություն է տվել Բուլղարական ընդհանուր եկեղեցու հովվապետ Ս. Մաքսիմ Սըրբազան Պատրիարքին: Սուրբ Սինդոխի ընդունարանում Բուլղար եկեղեցու Գահակալը ջերմորեն ընդունել է Հայ եկեղեցու ներկայացուցիչներին, որոնք Ամենայն Հայոց Վեհապառ Վապգեն Ա Հայրապետի եղբայրական սիրո ողջույններն են փոխանցել Պատրիարք Հորը՝ խորին շնորհակալություն և էրախտագիտություն հայտնելով նրան, որ բարեհաճել էր հայոց սրբալույս մեռնի պատրաստման համար Ս. Էջմիածինն նվիրել վարդի յուր: Այս առթիվ տեր հայրը Սրբազան Պատրիարքին նվիրել է Մայր Աթոռի նախաձեռնությամբ վերջերս հրատարակված

«Սուրբ Էջմիածին» ալբոմից մի օրինակ և հայկական մի հուշանվեր:

Նոյեմբերի 19-ին Սոֆիայի Բուլղարա-Սովետական բարեկամության սրահում տեղի է ունեցել հանդիսություն՝ նվիրված Հայաստանի Օգնության Կոմիտեի (ՀՕԿ) հիմնադրման 50-ամակին: Սույն հանդիսությանը, որը կապմակերպված է եղել բուղարահայ «Երեվան» մշակութային միության նախաձեռնությամբ, ներկա է եղել Ս. Տիրայր արքեպիսկոպոսը՝ ընկերակցությամբ Ս. Մեսրոպ ավագ քահանա Պենյանի և պր. Կարո Տեր-Մեսրոպյանի:

Նոյեմբերի 20-ին, կիրակի օրը, առավոտյան, առաջնորդ սրբազան հայրը ս. պատարագ է մատուցել Սոֆիայի հայոց եկեղեցում և Բանին կենաց քարոզությամբ միխթարել եկեղեցում հավաքված հայ հավատացյալ ժողովրդին: Իր քարոզում Ս. Տիրայր սրբապանը Ամենայն Հայոց Կաթողիկոսի հայրական օրհնություններն է փոխանցել բոլոր ներկաներին և պատմել Մայր Հայրենիքից և Մայր Աթոռ Ս. Էջմիածնից ստացած իր թարմ տպավորությունների մասին: Հավարտ ս. պատարագի ընթերցվել են Հայոց Հայրապետի երկու սրբատառ կոնդակները՝ ուղղված Սոֆիայի հայոց եկեղեցու վարչության ժառանգանդներ Հակոբ Չաքրյանին և Թագուհի Փափազյանին: Այնուհետև տեղի հայոց եկեղեցական վարչությունը «Բալկան» ռեստորանում թեմակալ առաջնորդ սրբապանի պատվին տվել է պաշտոնական ճաշկերույթ:

Նոյեմբերի 22-ին առաջնորդ սրբազան Սոֆիայից ուղևորվել է Պոլովիվ հայաշատ

քաղաքը: Այստեղ նոյեմբերի 27-ին, կիրակի շրջ, հայոց եկեղեցում սրբազանը ներկա է եղել ու պատարագին, արտասանել է ոգեշունչ քարոզ և ապա նախագահել Սովետական Հայաստանի 63-րդ տարեդարձին նվիրված կառավարական մաղթանքի արարողությանը: Նույն օրը սրբազան հայրը ներկա է եղել նաև «Երևան» մշակութային կազմակերպության Պլովդիվի մասնաճյուղի նախաձեռնությամբ կազմակերպված հանդեսին՝ նվիրված ՀՕԿ-ի հիմնադրման 50-ամյակին և Սովետական Հայաստանի 63-րդ տարեդարձին:

Նոյեմբերի 28-ին Ս. Տիրայր արքեպիսկոպոսը այցելություն է տվել Բուլղարիայի Ժողովրդական Հանրապետության արտաքին գործերի մինիստրությանն առընթեր կրոնական գործերի կոմիտեի աշխատակից պր. Թ.

Աբաջիևին՝ ընկերակցությամբ Ս. Մեսրոպ ավագ քահանա Պենյանի և Թեմական Խորհրդի ատենապետ պր. Կարո Տեր-Մեսրոպյանի: Սրբազան հոր և պր. Աբաջիևի միջև տեղի է ունեցել սրտագին ջերմ զրույց: Զրույցի ժամանակ ընդգծվել է աշխարհի խաղաղության պահպանման համար գործադրված ջանքերի կարևորությունը: Առաջնորդ սրբազանը նշել է, որ ինչպես Բուլղարական քույր եկեղեցու, այնպես էլ Հայ Առաքելական եկեղեցու և նրա հավատացյալների համար թանկ ու նվիրական է խաղաղությունը և որ անհրաժեշտ է պաշտպանել ու ամրապնդել այն ոչ միայն աղոթքով, այլև բանիվ ու գործով:

Նոյեմբերի 30-ին Ս. Տիրայր արքեպիսկոպոսը վերադարձել է իր աթոռանիստը՝ Բուխարեստ:

